

Dr NVD-ler Vogelblues

Es pfiift zu jedem Bäumli uus
Dr NVD-ler Vogelblues.
Är töönt vom Schwiins- zum Loolibach
Und üüber jedes Dach
Bis äänedraa in d' Ääscherklus

Uff d'Autibaa kasch bald viil schnäller faare.
Si mache alles für das Hailigdum, dr Kaare.
Nuur füül ich mii betrooge
Um dr allerletscht Birsbooge.
Doch d'Hauptsach isch: s'losst sich viil Gäld soo spaare.


Waas raschlet döört im Blätterdach?
S'isch e Staar, wo grad si Balzgsang macht.
Mr wänn si Wärbegsang nit stööre.
Nuur kasch drvoo ~~je gar~~ nüt hööre,
denn uss Süüd kunnt nüt als Fluugzüügrach.

Bi uns z'Dornach – Sii das ische Sääge –
Hänn mir viil Griens, will mir's halt pflääge.
Doch laider hets an jedem Egge
Lorbeer- und Thujahegge.
Die arme Vöögel stöön drbii im Rääge.


Für jeede Kääs git's hütt – und das betoon'i –
Maschjine – mit Kat oder ooni.
Die sääge, schniide, bloose Laub.
Verstopft dr d'Oore, sunscht wirsch daub
Nuur: d'Maschiine gege d'Maschiine, die git's nooni.

Näbscht Vöögel git's – me glaubt's nit – au no Katze.
Die schlöön brudal zue mit iire scharfe Datze.
Si schnappe alles, wo si kriege,
au Frösch und Vöögel mit Vergniege.
Doch sag nüt, mai me schniidet dir e Frätze.

Me het kai Gäld, es isch z'begriffe.
Doch ~~ää~~ Plaan het halt miesse riffe:
Mängge muess me doo draa maane,
mit plaane kunscht ganz guet dra aane:
Drum darfsch durchs Doorf mit Drissig schliffe.



E glaine Stärn het z'Nacht d'Milchstross verloo.
 Är isch diräggt zu uns nach Dornach koo.
 Är suecht e ganz e dunggli Stell,
 wo är für uns denn lüüchte well.
 Uff unsre Strosse het dä Wunsch dénn Form aknoo.



E andre Stärn wär gärn in unsre Gärte bliibe.
 Äär het denn siini zarte Äugli griibe:
 An jedem Huus göön d'Liechter aa.
 Äär muess bald gnueg dervoo kriegt haa,
 denn in dr Milchstroos suech äär jetzt sii ew'ge Friide.

*En Aichhörnli macht dört sini Runde
 Äs het zum Vergraabe en Aichle gfunde
 In dääne Gäärte uss Granit
 Kunnt ääs - waiss Gott - drbii nit wit.
 Es kriegt drvoo nur bluetig-gruusigi Schrunde.

Es pfiift zu mänggem Bäumlü uus:
 Im Naturschutz giengi uss dr Pfuus.
 Ganz andersch doo bim NVD
 Kasch d'Lüt aktiv mitmache gsee.
Waisch: das isch nur wägem Vogelblues.



Racletteessen Februar 2013 / Coyright by NVD

